

小

爾

雅

疏

小爾雅疏敘

覺羅教習王與謨

若昔周公治定制禮纂文咸秩勤教弗迷爰作爾雅三篇辨言觀政故訓用昭周道既衰括人寢奠百家駁亂人自爲師亏是七十子之述折衷雅訓表章聖經曰爲章句尋夏增成雅誼推演涯涘類附條分雜而不越孔耐之仙小爾雅猶七十子志也遭秦威學古籍就湮孔氏側足亏愍儒之再投命亏譜成之間守匱衰殘詮言補綴用勸矣觀其擇擅隱奧之尋等之粹曰純字

典已則誠所已衍九流之津涉庠六藝之鈴鍵也漢初  
爾雅嘗立博士學已大行而碩師鉅儒訓釋經典則取  
資小爾雅與爾雅同功可知當日名雖分削實則兼行  
向歆錄略班氏藝文二書比附纂閒亦其徵也魏晉  
而下傳爾雅者代不乏人獨小爾雅纂閒焉東晉李宏  
範摯精載籍音七經注三蒼夏小正書爲之略解隱括  
已存其大體裝揮有待于旁通而千百載來疏證闕如  
舛鑿紛起一畚之書不可卒讀與弱冠入都從事雅訓  
采掇聞見廿載于茲猥已俗本流傳脫譌滋甚爰據諸

本及羣書所徵引者讎校經文訂正漏略岐暘李氏之  
意他爲詮疏竊已訓詁之體當先識古文已正其字次  
審古音已定其聲而後訓詁繼之秦漢已非史書簡質  
一字或數用而正假粲然後古文字日孳變本加厲原  
旁益水景石沾多裴哀廢衣壹壺迅气若斯之類不可  
殫論今一準鄴氏說文解字彙已玉篇廣韻諸書辨其  
子母與其雅俗所已存古文也聲音之遺終始相生轉  
展流通厥詮斯備自叁梁四聲競倡蕩析離尻殷郭幾  
佗剛萌祝鑄竟成二國甚至久錯之迷尸牀弗肩旭好

滋疑今竝旁徵濬讀按定正聲力除愆愆所目籽古音  
也二雅多引詩詞或疑專爲釋詩而伋豈知雅訓灌溉  
六經浸潤百氏雖伋者代興而情歸一揆今自秦漢迄  
于晉齊凡傳註之書有關雅訓者竝从蒐輯至亏叁魯  
韓詩賈馬鄭王諸經逸註苟證堪取證亦所不選所目  
籽古訓也躬逢

盛萌文教輦轂祕府之書攷帑膠序癸丑甲寅之季幸  
身襄事

宗贊克資揆討用廣舊聞惟是末學膚受畧少邊多肩

目之毒弗獲自睹甚懼什襲櫝中逾增寡陋勉出所業  
埃大雅宏達正焉歲在上章渚瀾月在圉陽三日

[illegible]

小爾雅疏目錄

卷第一

廣詁第一

卷第二

廣言第二

卷第三

廣言第二

卷第四

廣訓第三



廣義第四

廣名第五

卷第五

廣服第六

卷第六

廣器第七

卷第七

廣物第八

廣鳥第九

廣獸第十

卷第八

廣度第十一

廣量第十二

廣衡第十三

國朝釋小爾雅者以胡墨莊觀彥為家精次則  
葛鐵生廣文宋于庭大令又巴氏烜亦有疏證之  
作胡甘伯曾見之云不及葛宋汾原此作則在葛  
宋之間為林記

沈子竹孫有志嚮學因贈此以為先路之導  
於此而求進焉通話言以述經義實事求是  
祛彼影響皮傳之陋習豈惟吾道之幸亦  
曩詰所甚賴也同治戊辰長至為林書于都下

小爾雅疏卷第一

覺羅教習王煦撰

小爾雅一篇疏

晁公武曰小爾雅孔子古文也謂之小爾雅者蓋廣爾雅之未備附爾雅而行故稱

名小也漢書藝文志小爾雅一篇不著撰人名氏館

閣書目云孔鮒撰蓋卽孔叢子第十一篇也史記孔

子世家鮒孔子八世孫年五十七爲陳王涉博士死

陳下漢書孔光傳鮒夫子八世孫魏相順之子李燦

孔叢子序云秦并六國召鮒爲魯國文通君拜少傅

始皇三十四年丞相斯議令燔書鮒懼遺典之亡乃

與其弟子襄歸藏書壁中隱居蒿山之陽無何陳涉

起爲楚王聘鮒爲博士鮒以目疾辭退而著是書其

出處與史記異當以史記爲正漢書儒林傳作孔甲

按孔護子云子魚名鮒陳人或謂之子鮒或稱孔甲

然則名鮒字子魚或字子鮒或又稱孔甲也又中興

書目云孔叢子一名盤孟按藝文志雜家甲盤孟

二十六篇應劭以爲黃帝史或曰夏帝孔甲田蚡傳  
言蚡學盤孟書孟康曰兼儒墨名法者也諸家所言  
並不涉孔鮒知盤孟之說非也隋唐志並云一卷今  
從漢志。小爾雅爲先秦古書漢成哀閒劉向劉歆  
編入錄略後漢班固列于藝文自漢迄唐傳注家皆  
取以訓釋經藝固有異詞而近世東原戴震從而訾  
之曰小爾雅乃後人皮傅掇拾而成非古小學遺書  
也故漢世大儒不取以說經如廣器云鵠中者謂之  
正則正鵠之分未之考矣廣度云四尺謂之仞則築  
官仞有三尺不爲一丈而爲及肩之牆矣澮深二仞  
無異洫深八尺矣廣量云豆四謂之區區四謂之釜  
下云釜二有半謂之蕝蕝二有半謂之缶缶二謂之  
鍾用舊量之豆區釜不應周新量之鍾兩法雜施顯  
相刺謬廣衡云倍舉曰鈞卽周禮賈景伯所稱俗儒  
以鈞重六兩是也不稽古訓故月之爲俗儒云爾其  
持議堅確如此今按小爾雅本文證以漢魏諸儒傳  
注之義則知東原之說非也孔氏生當秦季約其時  
次與大毛公比肩接踵篇中如釋公孫碩膚鄂不韡

韓並與毛傳合可知當日經師授受實出一原自餘  
諸訓亦無不酌斟若雅與漢魏諸儒相發明安所見  
皮傳撥拾乎鄭樵謂爾雅撥拾傳注而成東原幾不  
惜尋覆轍矣古人釋經不必定舉援引書目漢世稱  
大儒者莫如後鄭觀其易注云由用也詩箋云肆犯  
突也儀禮注云素故也曲禮注云跋本也周官注云  
鑄潔也孝經注云資取也若此之類悉取是書若以  
其未嘗援引書名卽謂並非取此則毛公据爾雅作  
詁訓傳亦不舉爾雅名亦將謂毛公不取爾雅釋詩  
乎況許慎說文解字引爾雅云撻薄也王肅周官注  
引爾雅云射張皮謂之侯侯中者謂之鵠鵠中者謂  
之正正方二尺正中謂之檠檠方六寸古人引小爾  
雅卽同稱爾雅則豈非見取之明證邪正鵠之義禮  
經未有明文鄭衆馬融王肅並依小爾雅以鵠中爲  
正賈逵雖云鵠居正內與諸家別而亦以正鵠爲一  
侯其分采侯爲正皮侯爲鵠者惟鄭康成耳今姑不  
必闢康成祖小爾雅第必欲却掃衆家之說獨取康  
成以排孔氏其墨守不已甚乎古訓每一字而含數

義不可以一義拘之制釋經者多以八尺七尺爲  
正然裴駢史記集解陸德明莊子釋文獨引四尺曰  
仞之說可知言非一端各有所當也辟如一手之盛  
謂之溢而二十四兩亦謂之溢一兩爲束而王兩亦  
謂之束三十斤爲鈞而大半兩亦謂之鈞誠以古今  
時異方俗語殊其名與實有不可執一繩者必若偏  
守一隅盡排異說是無異于求劍而刻舟鼓瑟而膠  
柱也豆區釜鍾新舊之量並見左傳但新舊兼舉則  
文失之繁舉新遺舊舉舊遺新則義失之漏故于豆  
區釜存舊量之數于鍾存新量之數此正見古人屬  
辭體要而乃反譏其兩法雜施試思兩法不雜非繁  
複卽漏略將如何載筆乎緩鈴並重六兩見于許氏  
說文鄭康成注周禮用之許鄭非俗儒明甚賈逵以  
銘重六兩爲俗儒者其說本于馬融然融本云俗儒  
以銘六兩爲一川一川二字無出故以俗儒目之尚  
書呂刑疏可覆視也景伯援据不詳輒加訾毀後儒  
不思訂正反以承謬襲譌自矜稽古竊恐俗儒之名  
自有所歸而孔氏不任受也据此數條具見失實今

特悉爲辨正大情曉然其有餘義各詳本疏庶後之  
讀是書者不誑誤于不根之說也。漢唐諸儒釋經  
凡引小爾雅之文多通稱爾雅如許氏說文引爾雅  
云尅薄也詩賓筵疏王肅引爾雅云射張皮謂之侯  
侯中者謂之鵠鵠中者謂之正正方二尺正中謂之  
綦綦方六寸周官太祝釋文引爾雅云綦謂之綦禮記釋文引爾  
尚書呂刑釋文引爾雅云綦謂之綦禮記釋文引爾  
雅云棘實謂之棗史記裴駰集解引爾雅云顏頤也怵  
之怵倍怵謂之尋小司馬索隱引爾雅云顏頤也怵  
狙也李賢後漢書注引爾雅云繪之精白者曰縞縞  
謂之縞李善文選注引爾雅云階因也劭美也棘戟  
也翥舉也蓋戴覆也名爲爾雅實小爾雅文亦有稱  
小雅者一見于陸氏周頌潛釋文至李善注文選則  
統稱小雅蓋省文也亦有小爾雅所無而見引于他  
書者如易釋文引小爾雅云桎謂之桎械謂之桎考  
工記釋文劉昌宗引小爾雅云祭山川曰祈沈莊子  
釋文引小爾雅云盥澡也灑也唐沙門元應一切經  
音義引小爾雅云碩遠也免之所息謂之窟廊道元



水經注引小爾雅云大而白頭者謂李軌略解疏陸

之蒼鳥或本書逸文或傳寫之誤明經典敘錄云李軌字宏範東晉江夏人祠部郎中

封都亭侯撰易書詩三禮左傳莊子音舊唐志李軌撰三蒼三卷楊子法言注十三卷又撰左太冲齊都賦音蓋深于小學者隋書經籍志小爾雅一卷李軌

略解唐志作李軌一卷今從隋志

廣詁第一疏爾雅釋詁樊光李巡本作釋故是詁

也詩大雅云告之話言陸氏經典釋文云話訓故言文作詁是詁訓即詁言也凡傳注之書有專以

故名者如漢書藝文志三家詩稱魯故齊故韓故是也有以故訓名者如毛詩稱故訓傳是也

故即詁訓詁訓即詁言所謂同實而異名也爾雅詁訓言分題何也曰三篇皆詁訓也古書竹

簡連編累策則檢閱為煩分之所以便省覽義不繫乎題也釋親以下不言詁訓何也曰十九

篇皆詁訓也釋訓以上其類同故分詁訓言題之釋親以下其類別故各從其類題之其為詁訓一也王應麟曰小爾雅十三章推衍詁訓故廣詁廣言廣訓仍依爾雅舊題謂之廣者廣爾雅之所釋也廣名以後或異或同各于分題下詳其義焉

淵懿邃賾深也

**爾雅**十九篇託始于始始者物之初也惟初太始道立于一惟一故神惟

神不測極其深遂通天下之志此小爾雅所以託始也顧野王玉篇云深邃也陸法言切韻云深不淺也淵者莊子應帝王篇云深邃也陸法言切韻云深不淺也至深也詩邶風燕燕云其心塞淵衛風定之方中云秉心塞淵毛傳鄭箋並云淵深也懿者許叔重說文作懿从壹恣省聲漢太尉楊震碑與說文同惟祝睦碑作懿不省今皆從之詩幽風女執懿懿毛傳懿懿深筐也正義曰懿者深邃之言故知懿懿為深筐邃者說文邃深遠也禮記玉藻云前後邃延釋文邃深也逸周書周祝解云人智之邃也奚為可測楚辭離

騷云宮中既以邃遠今義並同通作隊說文隊深也  
又周禮考工記輿人云參分車廣去一以爲隧鄭司  
農云隧謂車輿深也讀如鑽燧收火之燧後鄭云讀  
如邃字之邃漢儒凡言讀若某皆音義相兼是邃又  
與隧燧通也蹟者易繫辭傳云聖人有以見天下之  
蹟正義云蹟謂幽深難見按說文有噴字無蹟字京  
房易傳作噴鄭虞本同後漢范式傳云探噴研機字  
並作噴荀子正名篇云噴然而不類楊倞注噴與蹟  
同深也左氏定四年傳云噴有煩言正義引易曰聖  
人有以見天下之噴謂見其至深之處是噴爲蹟本  
字也又九家易作冊按劉熙釋  
名云冊蹟也是二字音義亦通

封巨莫莽艾祁大也註封豕莫府祁寒皆言大也艾亦

爲大

疏

老子曰域中有四大道大天大地大王者大

詩周頌烈文云無封靡于爾邦毛傳封大也虞書帝  
典封十有二山東晉孔傳同丘者揚雄方言云巨大

也齊宋之閒謂大曰巨孟子爲巨室疏引字林云巨  
大也說文以巨爲規榘字其大之字作鉅故鄭氏尚  
書大傳注鉅大也又通作渠顏師古漢書司馬相如  
傳注楊倞荀子彊國篇注竝云渠大也又通作距高  
誘淮南汜論訓注云距大也莫者左氏莊二十八年  
傳云狄之廣莫莊子逍搖遊云廣莫之野簡文注莫  
大也文選吳都賦聊浪乎昧莫之垓劉逵注昧莫廣  
大貌莽者說文莽沆大水也一曰大澤呂氏春秋知  
接篇云戎人見暴布者而請曰何以爲之莽莽也高  
誘注莽莽長大貌也淮南原道訓云不道之道莽乎  
大哉文選吳都賦騰躍乎莽畧之野李善注莽畧廣  
大貌艾者詩小雅南山有臺云保艾爾後保艾者猶  
左氏言保大周語言保世以滋大也逸周書諡法解  
云保民耆艾曰胡又云胡大也是耆艾爲年之老卽  
爲年之大也祁者詩小雅吉日云其祁孔有毛傳祁  
大也呂氏春秋謹聽篇引詩云興雲祁祁漢書食貨  
志同今毛詩本作興雨祈祈蓋祁與祈通是祁祁爲  
雨之徐亦爲雨之大也

**注**

封豕至爲大。封豕者左

氏定四年傳云吳爲封豕長蛇荐食上國淮南修務訓引作封豨修蛇蠶食上國高誘注封大也莫府者史記李廣傳莫府省文書籍事晉灼曰將軍職在征行無常處所在爲治故言莫府莫大也章懷後漢書吳漢傳注伺祁寒者東晉古文尚書君牙云冬祁寒孔傳冬大寒乃天之常道正義曰傳以祁爲大李氏東晉人得見梅賾古文故采及之艾亦爲大者按爾雅云艾長也歷也相也養也毛公詩夜如何其傳艾久也鄭氏詩訪落箋艾數也禮記曲禮注艾老也釋名艾父也治也趙岐孟子注艾美好也韋昭晉語注艾報也下文廣言云艾止也惟艾之爲大漢魏以來無成訓故特釋之曰艾亦爲大

頒賦鋪敷布也

**疏**

說文布作帑釋名布布也太古衣皮女工之始始于是施布其法也漢書

食貨志曰凡貨布于布如淳曰布之于民是布爲分布之義也頒者說文以爲大首兒其頒布之字作攷引周書曰乃惟孺子攷今周書洛誥作頒說文又云班分瑞玉也按卽虞書班瑞于羣后是也周禮冢宰

職云匪頒之式鄭司農云頒讀爲班布之班又作盼  
禮記王制云名山大澤不以盼鄭注盼讀爲班儀禮  
聘禮記云盼肉及廋車鄭注盼賦也又說文云羹賦  
事也讀若頒徐鍇繫傳以爲古頒字按以六書之義  
則大首爲頒分玉爲班分肉爲盼賦事爲俶又爲羹  
然今經典多通作頒或作班弗可改矣賦者北堂書  
鈔引劉熙釋名云賦敷也敷布也周語云賦事行刑  
蒸民云明命使賦毛傳賦布也周語云賦事行刑賦  
事卽布事也鋪者詩大雅江漢云鋪敦淮濱鄭箋以  
鋪訓陳禮記樂記云鋪筵席皆陳布之義又與敷通  
周頌賚云敷時繹思左氏宣十二年傳引作鋪時繹  
思杜注鋪布也敷者說文敷敷也引周書曰用敷遺  
後人又尊布也徐鍇引相如子虛賦曰尊結縷注云  
布也易說卦傳云震爲專李鼎祚集解引延篤云專  
大布也張有復古篇云从寸甫別作專非郭忠恕汗  
簡云古文敷作專是敷專竝同詩小雅小旻云敷于  
下土毛傳  
敷布也

蓋戴燾蒙冒覆也

**疏**

說文覆蓋也禮記中庸云辟如天

其義也蓋者釋名云蓋加也加物上也考工記輅人職云蓋之園也以象天也左氏襄十四年傳云蓋之如天皆取覆蓋之意孟子云謨蓋都君咸我績淮南精神訓云衣足以蓋形趙岐高誘注竝云蓋覆也服虔揚雄甘泉賦注云華覆華蓋也按蓋本編茅之名說文云蓋皆也爾雅云白蓋謂之苦取蓋可以覆身故因謂蓋為覆戴者東晉古文尚書大禹謨云衆非元后胡戴即左氏蓋之如天之義史記報任安書云戴盆何以望天言為盆所覆不能復見天也燾者方言薄戴也說文燾普覆照也周官司几筵職云每敦一几鄭注敦讀曰燾覆也公羊文十三年傳云魯公燾何休注燾者冒也疏云燾詰為覆若周書燾以黃土是也史記集解引賈逵左傳注云燾覆也蒙者說文以蒙為玉女蒙蓋之字作冡云覆也今通作蒙郝風君子偕老云蒙彼紉絺毛傳蒙覆也又通作幪亦作幪逸周書太子晉解云若能幪子孔晁注幪覆也

尚書大傳作幪冒者說文冒冡而前也詩邶風日月  
云下土是冒毛傳冒覆也考工記玉人職云天子執  
冒四寸以朝諸侯鄭注名玉曰冒者言德能覆  
蓋天下也雜記云冒者所以掩形也義並同

鍾崇府最積灌聚樸叢也

**註**

詩灌木杙樸皆叢義

**疏**

說

叢聚也易坎卦寘于叢棘周書無逸云是叢于厥身  
皆聚之義也又按詩葛覃傳叢木周續之音叢祖外  
切劉昌宗音徂外切是鍾崇最聚與叢皆一聲之轉  
故下文所釋或訓叢或訓聚其義一也鍾者釋名鍾  
聚也上體之所鍾聚也左氏昭二十一年傳云天子  
省風以作樂器以鍾之周語云鍾而藏之淮南天文  
訓云音比黃鍾杜預韋昭高誘注竝云鍾聚也崇者  
左氏隱六年傳云芟夷蘊崇之杜注崇聚也府者玉  
篇府聚也周禮天府職疏云在人身中飲食所聚謂  
之六府戰國秦策此之謂天府高誘注府聚也最者  
說文最積也唐韻才句切徐鍇曰古人以聚物之聚  
爲最又云最犯而取也徐鍇本云又曰會是義亦通



也公羊隱元年傳云會猶最也何休注最聚也今聚  
民曰投最管子禁藏篇云冬收五藏最萬物房元齡  
注最聚也按禮記樂記會以聚衆鄭注聚或爲最史  
記周本紀有周聚徐廣曰一作最最亦古之聚字然  
則最聚乃古今字也又通作贅徐錯本說文云贅一  
曰最漢書武帝紀縣鄉卽賜無贅聚如淳曰贅會也  
令勿擅徵召三老孝弟力田也積者說文積聚也禮  
記月令云多積聚曲禮云積而能散是積爲聚也灌  
者詩大雅皇矣云其灌其樹毛傳灌叢生也大戴記  
夏小正云啟灌藍蓼灌者聚生者也又云灌荼灌聚  
也聚者說文聚會也左氏哀十二年傳云陳人恃其  
聚杜注聚積聚也樸者說文樸聚也楚謂之樸爾雅  
並出也業瀆業也方言樸聚也楚謂之樸爾雅檉樸  
心釋文本作樸說文以樸爲木素以樸爲棗今多作  
樸注詩灌至叢義。灌木者周南葛覃云集于灌木  
毛傳灌木叢木也語本爾雅爾雅又云木族生爲灌  
孫炎注族叢也械樸者毛公械樸傳云械樸木語本  
爾雅郭璞注云械屬叢生者爲枹是灌與樸皆叢義

也

閱搜履庀具也

**疏**

說文昇其置也按昇从目从升亦有

文閱具數于門中也衆經音義引是文云閱具也具數于門中曰閱也周書多方云克閱于乃邑東晉孔傳云汝能使我閱具于汝邑皆以閱爲具也左氏襄九年傳云商人閱其禍敗之蠶荀子云良賈不爲折閱不市杜預楊倞注竝云閱數也數亦具之義也搜者說文作按云求也引詩曰束矢其按謂按求而具之也通作蒐爾雅春獵爲蒐漢書刑法志作搜左氏哀十一年傳云退而蒐乘杜注蒐閱也履者左氏文元年傳云履端于始猶言數端于始也公羊宣十五年傳云稅畝者何履畝而稅也猶言數畝而稅也庀者左氏襄五年傳云宰庀家器九年傳云官庀其司杜注竝云庀具也通作比周官大胥比樂官鄭大夫讀比爲庀云錄具樂官小司徒職云三年大比鄭注大比謂使天下更簡閱民數及其財物也凡此皆言

具數之

義也

攻爲話相句宰營匠治也**註**話句未詳餘皆常意**疏**按

者事其事也后王治其民士農工商治其業皆治之  
義也攻者詩大雅靈臺云庶民攻之毛傳攻作也趙  
岐孟子注訓爲治作何晏論語注云攻治也考工記  
攻木攻金之屬義竝同爲者爾雅云造作爲也左氏  
成十年傳云秦伯使醫緩爲之周語云爲川決之使  
導杜預韋昭注竝云爲治也話者說文作語云合會  
也廣雅云話調也二訓皆有治義周書康誥云四方  
民大和會漢書主父偃傳云得其民不可調而守是  
也商書盤庚云乃話民之不率正所以合會而調治  
之也相者左氏昭九年傳云而楚所相也杜注楚之  
先祝融立治火事高誘秦策注治猶相也旬者按古  
句通作營又通作均詩大雅江漢云來旬來宣鄭箋  
句當作營史記天官書旬始出于北斗旁徐廣曰句  
一作營是旬與營通也周官均人公旬注云旬均也

易坤為均今書亦有作旬者禮記內則注同是旬與均通也管之為治詳見本文均亦治義故旬為治也宰者周官太宰鄭注云太宰治官之長公羊僖八年傳云宰周公者何天子之為政者也何休注宰猶治也管者詩小雅黍苗云召伯營之鄭箋營治也尚書召誥厥既得卜則經營禮記曲禮君子將營宮室義竝同匠者說文匠木工也淮南泰族訓云聖人之所匠成要略訓云聖人消搖一世閒宰匠萬物之形是匠猶治也文選三國名臣贊序云宗匠鈞陶銑曰匠制也制與治亦義相成也

蠲祓禋屑潔也

**吉**

蠲為饕祓其不祥禋于六宗皆潔

也

**潔**

按潔本字作絜玉篇絜清也今通作潔禮記經

者爾雅云蠲明也尚書多方云不蠲蒸周官宮人職

云除其不蠲鄭注蠲潔也祓者周官女巫巫職云歲時

祓除鬱浴鄭注如今三月上巳如水上之類漢書郊

祀志云天子見神君祓然後入孟康曰崇絜自除祓

然後入也司馬彪續漢志云三月上巳官民皆絜于東流水上洗濯祓除曰大絜劉昭注謂之禊也禮記月令云天子始乘舟宋書引蔡邕章句云陽氣和煖因是乘舟禊于名川也論語莫春浴乎沂洎上及下古有此禮今三月上日祓于水濱蓋出此也此卽鄭氏注禮之義也禊者說文禊絜祀也左氏隱十一年傳云而況能禊祀許乎杜注絜齊以享謂之禊桓六年傳云以致其禊祀杜注禊絜敬也楚語禊其酒醴韋昭注禊潔也屑者詩邶風谷風云不我屑以毛傳屑潔也方言及趙岐孟子注竝同**注**吉蠲至潔也○吉蠲爲饔小雅天保文釋文云蠲舊音圭鄭氏秋官蜡氏注蠲讀如吉圭爲饔之圭士虞禮注引詩曰吉圭爲饔呂覽云臨飲食必蠲絜高誘注蠲讀爲圭孟子云必有圭田趙岐注圭潔也是蠲圭古音義竝通祓其不祥者祥善也說文祓除惡祭也除惡卽祓不祥也禊于六宗尚書帝典文東晉孔傳云精意以享謂之禊孔氏用國語文也尚書大傳作湮于六宗鄭注字當爲禊

勿蔑微曼末沒無也

**說**

按說文無作察玉篇云今作無

作母逸論衡同鄭氏士昏禮注云古文母作無是無  
毋通用之證勿者陶風東山云勿士行枚毛傳勿無  
也通作物周官司常職州里建物說文作勿劉昭續  
漢志物故注云物無也劉熙釋名亦以物故為無故  
蔑者詩大雅板云喪亂蔑資毛傳蔑無也易剝卦釋  
文引馬注同微者說文微隱行也隱即無意詩邶風  
式微云微君之故毛傳微無也曼者揚子法言云聖  
人曼云又云曼無之也李氏彼注云曼無也漢書高  
帝紀韓王信將有曼王臣師古曰曼王毋王同一姓  
也語有緩急耳後漢桓帝永興二年詔郡國種蕪菁  
蕪菁即蔓菁亦其證也未者玉篇末盡也盡亦無意  
禮記文王世子云末有原鄭注末猶勿也高誘秦策  
注末無也戴侗六書故曰無微蔑末同聲沒者詩小  
雅漸漸之石云曷其沒矣毛傳沒盡也郝敬讀書通  
云俗謂無為沒南齊豫章王嶷臨終謂諸子曰我無  
後當其相勉厲無後即沒後也据說文沒當作歿經

典多通用今南北  
通呼無有日沒

隆巢岸峻高也

**註**

巢取居高

**疏**

說文高崇也隆者說文

不已益高大也戰國齊策云隆薛之城到于天呂氏  
春秋期賢篇云吾君好忠段干木之隆高誘注竝云  
隆高也巢者左氏成十六年傳云晉侯登巢車釋文  
引說文作輶云高如巢以望敵也爾雅云大笙謂之  
巢釋文引孫炎云巢高也言其聲高亦通作嶸廣雅  
云嶸嶸高也岸者詩大雅皇矣云誕先登于岸毛傳  
岸高位也爾雅云望厓洒而高岸說文岸水厓而高  
者峻者說文峻高也或體作峻虞書堯典云克明峻  
德詩大雅崧高云峻極于天義竝同**註**巢取居高○  
應劭漢書幽通賦注云巢居也陸賈云聖人居高以  
仁義為巢漢孝成許皇后傳  
王者處民上如鳥之處巢也

逼尼附切局鄰傳戚近也

**註**

未可以戚我先王近也

**疏**

說文近附也玉篇近不遠也逼者說文新附云逼近也經典多作偏說文俱無之疑古逼卽幅字也詩小雅采菽云耶幅在下毛傳幅偏也左傳曰且夫富如布帛之有幅焉民生厚而用利于是乎正德以幅之亦取偏東之義是幅兼有逼字音義也尼者字與昵通爾雅昵近也郭注尼者近也尸子曰悅尼而來遠日本論語皇侃疏云昵猶親也近也說文尼從後近之附者玉篇附近也詩小雅角弓云如塗塗附禮記樂記云附親萬民也呂氏春秋貴直篇趙簡子攻衛附于郭高誘注附郭近郭也切者易剝卦云切近災也文選長楊賦云客自覽其切焉李善引張晏曰切近也呂氏春秋先識覽云中山之俗男女切倚義同局者說文局促也从口在尺下復局之釋名曲局也相近局也詩小雅正月云不敢不局毛傳局曲也釋文云本亦作踳鄰者釋名鄰近也相接連也詩小雅正月云治比其鄰毛傳鄰近也孔叢子云孟懿子問書曰欽四鄰何謂也孔子曰王者前有疑後有丞左有輔右有弼謂之四近亦作𡗗班固幽通賦云亦以



德而助信劉德注以近也傳者釋名扶傳也傳近之也考工記廬人職云重欲傳人鄭注傳近也戚者禮記大傳云族人不得以其戚戚君逸周書文酌解云取戚免格孔晁注戚近也詩大雅行葦云戚戚兄弟莫遠具邇亦是近意注未可至近也○未可以戚我先王周書金縢文東晉孔傳云戚近也

邵媚旨伐美也

**疏**

說文美甘也玉篇美善也或作媯周官司徒職云媯宮室師氏職云掌以

媯詔王是也邵者說文邵高也孔叢子居衛篇云伋徒患德之不邵美也陳士藝篇云道德懿邵揚子法言云公儀子董仲舒之才之邵也皆言才德之高而美也媚者說文媚說也媛色好也二字蓋通文選西京賦云競媚取榮上林賦云嫵媚娥弱南都賦云侍者蠱媚良曰蠱媚美容儀也旨者說文旨美也毛詩旨蓄傳同伐者史記功臣侯表云明其功曰伐左氏莊二十八年傳云且旌君伐皆言功之美也又誇美亦謂之伐東晉古文尚書大禹謨云汝惟不伐天下莫與汝爭功老子曰不自伐故有功莊子曰自伐者

無功義  
並同也

賢哀繁優饒夥多也

**疏**

說文多重也重夕為多賢者說

獲曰右賢于左左賢于右是以獲之多為賢也呂氏  
春秋順民篇云得民心則賢于得千里之地高誘注  
賢猶多也又聽謹篇云聽者自多而不得注自多自  
賢也哀多見爾雅詩周頌般云哀時之對鄭箋哀眾  
也繁者詩小雅正月云正月繁霜毛傳繁多也公羊  
僖二十二年傳云春秋辭繁而不殺何休注同優者  
說文優饒也又浸澤多也引詩曰既浸既渥今毛詩  
本作優蓋音義通也饒者禮記曲禮云大饗不饒富  
鄭注富之言備也備而已勿多于禮也夥者說文云  
齊謂多為夥又焘字注云讀若楚人名多夥方言云  
凡物盛而多齊宋之郊謂之夥史記陳涉傳云楚人  
謂多為夥是夥乃齊楚之通語也文選西京賦云炙  
炮夥清酤敍向曰夥敍皆多也上  
林賦萬物眾夥李善注引是文

幾蔡模臬法也

**註**

蔡取著龜義亦法也

**疏**

玉篇法法令也古文作灋

今見周禮說文云灋今文省作法古文作金今經典皆作法幾者周書顧命云爾無以劍冒貢于非幾非幾猶東晉古文湯誥言匪彝謂非法也蔡者尚書禹貢云三百里蔡史記正義引鄭注云蔡法也受王者刑法而已尚書刊誤曰蔡讀如蔡蔡叔之蔡吳仁傑從之以爲當作蔡此卽鄭氏刑法之義也東晉孔傳云蔡法也法三百里而差簡差簡二字無著不如鄭義爲長模者說文模法也摹規也本二字音義通文選東京賦規摹踰溢李善引聲類云摹法也衆經音義引聲類云模法之也臬者周書康誥云汝陳時臬多方云爾罔不克臬東晉孔傳並訓臬爲法釋文云馬作剿又說文引賈侍中說云隄法度也是臬剿隄音義並通也**注**蔡取至法也○曲禮曰龜爲卜筮爲筮卜筮者先聖王之所以使民敬鬼神畏法令也賈公彥儀禮疏云凡草之靈莫善于蓍凡蟲之知莫善于龜鬼谷子陰符篇云蓍志法靈龜損兌法靈蓍皆

法之義也

爰換變貿交更易也

**疏**

玉篇易轉也變也左氏隱八年傳云以泰山之祊易許田哀十

四年傳云請以鞶易薄是其義也爰者說文云籀文以爲車轅字又起字注云田易居也廣韻云起易田名也按左氏僖十五年傳云作爰田疏爰易也晉語作轅賈侍中注轅易也徐鍇曰爰轅皆假借起乃正字也按易田之字當作起餘則爰轅同用故史記張湯傳爰書注云爰換也師古漢書注云轅爰同換者說文換易也漢書敘傳項氏畔換孟康曰換易也師古引大雅皇矣詩云無然畔換今按毛詩本作援然則換與援通故此爰換竝訓爲易也變者周官司權職云四時變國火鄭注變猶易也貿者說文貿易財也詩衛風氓云抱布貿絲義同交者易繫辭云交易而退儀禮士昏禮云媵御沃盥交更者禮記雜記云廢則掃而更之左氏襄二十八年傳云蹇人竊更之以驚皆易之義也

生造奏詣進也

**疏**

說文進登也玉篇盤進前也升也生者

不生東晉孔傳訓作進進造者盤庚云其有衆咸造戰國策已將移兵而造大國之城下高誘注造詣也奏者說文奏進也字作奉儀禮燕禮記云臣敢奏爵以聽命義同詣者說文詣侯至也玉篇詣往也到也李善文選洞簫賦注引蒼頡篇云詣至也是造與詣皆進而至之義也史記秦本紀代王乘傳詣長安

義同

索寒探哀鉤掠采略也

**疏**

說文略經略土地也左氏宣十五年傳以略狄土杜注略

取也略與取同故諸義皆從取訓索者廣言云索略求也是索與略同義左氏襄三十一年傳云悉索敝賦以來會時事悉索即悉取也寒者按寒當與寒通說文撰拔取也南楚語引楚辭曰朝撰阨之木蘭今楚辭本作寒蓋從手從寒省此則省手作寒或古字通也方言又作撻探者爾雅採取也說文探遠取之

也周書多方云探天之威東晉孔傳云採取也哀者  
易謙卦云君子以裒多益寡虞翻本作掇云取也說  
文掇引取也顏師古漢書食貨志注云裒取也鉤者  
莊子天運篇云一君無所鉤用釋文鉤取也掠者說  
文新附云擄奪取也左氏襄十一年傳云禁侵掠章  
懷後漢書注引郭璞爾雅注云掠奪取也今郭氏爾  
雅本掠乃纂字采者說文采掇取也今俗作採左氏  
昭六年傳云禁芻牧採樵戰國策云芻牧薪採莫敢  
闕東門皆略取之義也按說文采从爪  
从爪會意字也舊本亦作採今改正

開徹接通達也

**疏**

釋名達徹也玉篇達通也詩商頌長

陽達于牆屋是其義也開者晉語樂以開山川之風  
韋昭注開通也徹者說文徹通也左氏成十六年傳  
云徹七札焉杜注發達七札也魯語焚烟徹于上楚  
語民之徹官百韋昭注竝云徹達也接者詩大雅大  
明云使不挾四方毛傳挾達也按古挾卽浹字與接  
通故趙岐孟子注云挾接也周官太宰職挾日而敎

之釋文云挾字又作決說文新附云決洽也徹也蓋後人所加通者說文通達也禮記儒行云上通而不困鄭注仕則上達乎君不困于道德之不足也

固歷彌宿舊尚久也

**疏**

玉篇久遠也長也引易曰有親則可久是其義也固者戰國魏

策云是三人皆以太子爲非固相也高誘注固久也禮記月令云國多固疾鄭注生不充性有久疾也歷者爾雅云艾歷也郭注長者多更歷是歷有久義周書洛誥云有夏受天命惟有歷年大誥云嗣無疆大歷服皆久之義也彌者逸周書諡法解云彌久也周書顧命云既彌留東晉孔傳同宿者左氏昭二十九年年傳云官宿其業謂久其業也莊子徐无鬼云枯槁之士宿名釋文宿積久也漢書韓安國傳云孝文寤于兵之不可宿師古注宿久舊也翟方進傳云宿儒胡常師古注宿久舊也舊者尚書無逸云舊勞于外史記作久勞于外詩大雅抑云告爾舊止鄭箋舊久也尚者呂氏春秋古樂篇云樂所由來者尚也高誘

注尚曩也又云久也戰國齊策魯仲連謂田單曰亡日尚矣高誘注云尚猶久也

彌愈滋彊益也

**疏**

說文益饒也玉篇益加也廣韻益增也彌者論語云仰之彌高呂氏春秋

節喪篇云國彌大家彌富葬彌厚高誘注彌猶益也愈者詩小雅小明云政事愈蹙鄭箋愈猶益也衆經音義引小爾雅愈作逾逾當爲愈本字滋者說文滋益也公羊宣六年傳云滋欲殺之甚周語云保世以滋大何休章昭注竝與說文同又通作茲說文茲益也漢書五行志賦敘茲重師古注用說文彊者賈誼書傳職云飲酒而醉食肉而飽飽而彊食漢書律歷志正數之外益以餘數曰彊所謂微彊少彊大彊是也

赫敷爽曉昕著讚曙明也

**疏**

說文明照也玉篇明察也清也審也發也赫者廣言

云赫顯也詩大雅生民云以赫厥靈毛傳同離騷云步陞皇之赫戲兮王逸注赫戲光明貌敷者說文敷



解也殫敗也按詩耗斁下土釋文云說文字林皆作殫尚書彛倫攸斁汗簡云古文尚書斁作殫是斁與殫異魯頌釋文云釋本又作斁或作懌是斁與懌通詩齊風載馳云齊子豈弟鄭箋云古文尚書以弟爲國國明也今尚書本作驛史記司馬相如傳作懌是斁國驛懌古竝通也詩商頌鏞鼓有斁鄭箋斁斁然有次序陸賈新語資執篇云飾以丹漆斁以明光皆明意也爽者說文爽明也左氏昭七年傳云是以有精爽至于神明張衡西京賦處甘泉而爽塏杜預薛綜注竝從說文曉者說文曉明也方言同淮南修務訓云精神曉洽高誘注亦同昕者說文昕旦明日將出也儀禮士昏禮云凡行事必用昏昕疏昕卽明之始禮記文王世子云大昕鼓徵疏昕明也著者禮記樂記云著不息音天也鄭注著明也字本作箸荀子王霸篇著仁義楊倞注著明也讚者字本作贊易說卦傳云幽贊于神明釋文云贊明也本或作讚按孔鯨碑云孔子演易幽讚神明是其證也釋名云稱人之美曰讚曜者說文無曜字昭字注云旦明也夏小

正云陽氣旦晴暗亦曙義疑暗即古曙字說文新附  
云曙曉也蓋後人所加李善文選魏都賦注引說文  
云曙旦明也與說文暗訓正同益徵暗之為古曙字  
矣呂氏春秋云一曙失之終身不復得高誘注曙明  
日也淮南天文訓云日曙于  
蒙谷之浦高誘注曙明也

皆附襲就因也

**疏**也說文因就也玉篇因緣也廣韻因託  
也仍也皆者說文皆俱詞也俱詞即

因義如孟子左右皆曰賢諸大夫皆曰賢羣相因襲  
無異詞也本或作階李善南都賦引爾雅云階因也  
善注文選凡引小爾雅皆省作小雅今按爾雅無是  
文是爾即小之誤也皆階蓋古字通附者易剝卦云  
山附于地孟子云附于諸侯曰附庸趙岐注因大國  
以名通曰附庸襲者東晉古文尚書大禹謨云卜不  
襲吉孔傳襲因也禮記中庸云下襲水土淮南傲真  
訓云襲九竅鄭康成高誘注竝同就者詩邶風谷風  
云就其深矣小雅我行其野  
云言就爾居皆因之義也

封畛際限疆略界也

**疏**

說文界竟也周頌思文云無此疆爾界是其義也封者周官馮

相氏職云以星土辨九州之地所封封域鄭注封猶界也畛者說文畛井田閒陌也周禮遂人職云十夫有溝溝上有畛莊子齊物論云謂是而有畛也請言其畛釋文畛謂封域畛陌也宋衷太元經注云畛界也際者史記孟子列傳云中國名曰赤縣神州如此者九乃有大瀛海環之天地之祭焉是際卽界也限者說文限阻也玉篇限界也戰國秦策云南有巫山黔中之限疆者說文疆界也或體作疆詩小雅信南山云我疆我理毛傳疆畫經界也左氏成二年傳云先王疆理天下杜注疆界也略者左氏莊二十一年傳云王與之武公之略杜注略界也又成二年傳云侵敗王略又昭七年傳云天子經略諸侯正封義竝同

承第班列次也

**疏**

玉篇云次敘也廣韻云次第也承者左氏昭十三年傳云子產爭承杜注

承貢賦之次也晉語以承公韋昭注承次也第者左氏哀十六年傳云楚國第杜注用士之次第漢書高帝紀爲列侯者賜大第孟康曰有甲乙次第班者儀禮既夕禮云明日以其班耐鄭注班次也左氏桓六年傳云使魯爲其班杜注班次也列者漢書薛宣傳引孔子曰陳力就列師古云列次也

戶峻格扃止也

**註**

戶取其闔礙峻取其改皆止之義疏

玉篇止息也住也廣韻停也畱也戶者左氏宣十二年傳云屈蕩戶之杜注戶止也漢書王嘉傳云坐戶殿門失闔免師古曰掌守殿門止不當入者而失闔入之峻者說文峻止也格者東晉古文尚書罔命云格其非心漢書梁孝王傳云世家大臣有所關說大后義格張晏曰格止也章懷後漢書梁冀傳注引鮑宏纂經曰纂有四采至五卽格不得行故謂之格五扃者左氏昭十七年傳云九扃爲九農正扃民無淫者也杜注扃止也漢書言扃從義同

**註**

戶取至之義

○說文礙止也戶闔所以止行故曰闔礙列子黃帝

篇作硤南史引浮屠書作尋竝同訓俊為改者東晉  
古文尚書泰誓云惟受罔有俊心孔傳俊改也杜預  
左傳注同蓋過而能改其  
過即止故曰皆止之義

幽曠暗昧冥也

**疏**

爾雅云冥幼也說文冥幽也王篇冥  
窈也幼幽窈音義竝通禮記月令云

孟冬其神元冥左氏昭二十九年傳云水正曰元冥  
皆取幽昧之義也幽者易困卦云入于幽谷幽不明  
也虞書帝典云宅朔方曰幽都南曰明都則此幽都  
為冥也曠者爾雅云陰而風曰曠釋名曠翳也言掩  
翳日光使不明也詩邶風終風云終風且曠毛傳用  
爾雅暗者說文暗目無光也通作闇禮記祭統云夏  
后氏祭其闇昧者說文昧闇也虞書堯  
典云宅西曰昧谷東晉孔傳云昧冥也

最凡目質要也

**疏**

說文要身中也玉篇云今為要約字  
按周官宰夫職云掌官灋以治要左

氏襄十年傳云使王叔氏與伯與合要王叔氏不能  
舉其契是要即契券簡書之屬也最者史記周勃世

家云定上谷右北平遼西遼東漁陽諸縣最索隱注  
最都凡也晉灼嚴助傳注云最凡要也師古宣帝紀  
注云最凡要之首也凡者周官宰夫職云掌官成以  
治凡說文凡最括也師古石奮傳注云凡最計也目  
者宰夫職云掌官灋以治目公羊僖五年傳云一事  
而再見者前目而後凡也春秋繁露云目者徧辨其  
事也凡者獨舉其事也賈公彥筮人巫目疏云目是  
要目之事質者小宰職云聽買賣以質劑司市職云  
大事以質小事以劑左氏文六年傳云趙盾為政由  
質要杜注質要券契也又鄭司農周禮注云要會謂  
計最之簿書月計曰要歲計曰會康成注云書契謂  
出予受入之凡要凡簿書之最目獄訟之要辭皆曰  
契質劑謂兩書一札同而別之長曰質  
短曰劑皆今之券書也事異其名耳

疆窮充竟也

**疏**

玉篇竟終也廣韻竟窮也說文樂曲盡  
為竟疆者穀梁昭元年傳云疆之為言

猶竟也詩幽風七月云萬壽無疆毛傳疆竟也窮者  
易臨卦云君子以教思无窮月令云必因其罪以窮

其情猶張湯傳言深竟黨與也充者說文充長也高也孟子云充類致義之盡也爾雅云緇廣充幅充幅猶寬幅也

而乃爾若女也

**疏**

按女舊本作汝假借字也今改作女廣韻汝爾也而者儀禮聘禮公曰然

而不善乎鄭注

而女也尚書洪範云而康而色左氏

宣十五年傳云余而

所嫁婦人之父東晉孔傳及杜

注竝同乃有儀禮

覲禮云伯父無事歸寧乃邦鄭注

乃女也漢書高帝紀

幾敗乃公事師古注同爾者儀

禮士冠禮云棄爾幼

志順爾成德鄭注爾女也論語

爾愛其羊日本皇侃

木及唐石經作汝愛其羊若者

儀禮士昏禮云若則

有常鄭注若猶女也史記

項羽本紀云吾翁即

若翁漢書作吾翁即汝翁

控轡輓引也

**疏**

說文引開弓也孟子云君子引而不發

控者詩鄘風載馳云

控于大邦毛傳控引也說文同

漢書匈奴傳謂引弓

為控弦轡者說文轡關矢也惠

棟曰左傳云豹則關矣宋本正義曰關鳥環切本又作彎鄉射禮云不貫不釋注云古文貫作關按呂氏春秋云中關而止謂關弓弦正半而止卽儀禮所謂不貫也史記五子胥傳云五胥貫弓執矢嚮使者注云貫鳥還反据惠氏之說是彎關貫音義竝同也淮南原道訓云彎綦衛之箭高誘注彎引也輓者說文輓引之也左氏襄十四年傳云或輓之或推之漢書景帝紀云國得發民輓喪師古曰輓謂引車也食貨志云故平都令當教過以人輓牛師古曰輓引也舊本作挽今依說文改

承贊涼助佐也

**疏**按佐本當作左說文左手相左助也玉篇左助也亮也釋名云佐左也在

左右也据此則漢時已分左佐爲二字矣今仍之承者左氏哀十八年傳云楚右司馬子木帥師而行請承杜注承佐也贊者儀禮士冠禮云宰自右少退贊命鄭注贊佐也涼者詩大雅大明云涼彼武王毛傳涼佐也亦通作亮大明釋文引韓詩云亮彼武王爾雅左亮也助者說文助左也詩小雅正月云將伯助



予大雅燕民云爰莫助之義並同

尋由以用也

**疏**說文用可施行也从卜从中衛宏說尋者左氏莊二十八年傳云今令尹不尋

諸仇讎杜注尋用也由者易豫卦由豫釋文引鄭注由用也詩王風君子陽陽云右招我由房毛傳同說

文作𠂔以者詩小雅大東云不以服箱鄭箋以用也

要捷集載成也

**疏**說文成就也玉篇成平也畢也要者詩鄭風釋兮云倡予要女毛傳要成

也捷者左氏莊八年傳云捷吾以女為夫人宣十二年傳云事之不捷惡有所分杜注捷成也集者詩小

雅黍苗云我行既集鄭箋集猶成也載者虞書益稷云乃賡載歌東晉孔傳云載成也續歌以成其義周

語云奕世載德又云天地之所載也韋昭注並云載成也

肆赴捷疾也

**疏**玉篇疾速也廣韻疾急也易繫辭傳口不疾而速是其義也肆者詩大雅大明

云肆伐大商毛傳肆疾也文選甘泉賦回焱肆其矚駭李善注引毛傳赴者禮記曲禮云母赴往鄭注赴疾也捷者淮南兵略訓云捷梓招杆船高誘注捷疾取也說山訓云力貴齊知貴捷注齊捷皆疾也楚辭云夫惟捷徑以窘步王逸注云捷疾也

造之如適也

**說**說文適之也宋魯語方言云適往也宋魯語也是說文所本也穀梁哀十四年

傳云大獲麟故大其適也范甯注適猶如也之心造者莊子山木云廣已而造大釋文引司馬彪注造適也之者說文云之出也詩魏風碩鼠云誰之永號鄭箋之往也如者春秋齊侯鄭伯如紀本義引通例曰自此適彼曰如

掇督撫拾也

**疏**

說文拾掇也儀禮鄉射禮云拾取矢左氏哀三年傳云猶拾濬也是其義也掇

者說文掇拾取也詩周南芣苢云薄言掇之毛傳掇拾也易訟卦云患至掇也義同督者按古督篤策竺

筑毒音義並通商書微子云天毒降災荒殷邦史記  
毒作篤楚辭天問漢平輿令薛君碑又以竺為篤釋  
名云篤築也周書金縢盡起而築之釋文云本亦作  
筑馬云築拾也後漢書文苑傳云摧天督章懷注卽  
天竺國也或作身毒是音義並通之證或又當與叔  
通說文叔拾也汝南謂收苜蓿為叔詩幽風七月云九  
月叔苴毛傳叔拾也撫者徐鍇本說文云婦執筭棗  
名撫數也數手以拍之也儀禮士昏禮云婦執筭棗  
栗奠于席房坐撫之與鄉射禮云左右撫矢鄭注撫  
拊之也士喪禮云君坐撫注以手案之皆與拾義相  
成也

肆子燼餘也

**疏**

玉篇餘殘也廣韻餘贖也肆者禮記玉藻云肆束及帶鄭注肆讀為肆肆餘也

詩周南汝墳云伐其條肆左氏襄二十九年傳云晉國不恤宗周之闕而夏肆是屏義竝同子者詩大雅雲漢云周餘黎民靡有子遺毛傳子然遺失也鄭箋言周之衆民多有死亡者矣幸其餘無有子遺者言

又餓病也說文以無左臂爲子亦孤立遺餘之義  
者說文作𤇀云火餘也今通作燼左氏成二年傳云  
請收合餘燼杜注燼火餘木吳語云安受其燼韋昭  
注燼餘也亦作盡莊子人間世云火傳也不知其盡  
也又作盡文選長笛賦云盡滯枕絕  
李善引方言云燼餘也盡與燼同

# 拓序啓闢開也

**說文**開張也廣韻云經典亦作闢拓  
者按說文拓拾也或體作撫則拓乃

撫字本文後人多用或體因以拓爲開拓字揚雄甘  
泉賦云拓迹開統是也序者說文作廣云卻屋也又  
云榜判也二字竝通漢書惠帝紀云視作序上者如  
淳曰序開也武五子傳云序地且倍師古注同淮南  
原道訓云廓四方析八極高誘注析開也是析卽序  
也啟者說文啟教也引論語曰不憤不啟亦開導意  
也儀禮士昏禮云贊啟會鄭注今文啟爲開論語云  
啟予足鄭注啟開也闢者說文闢開也易繫辭傳云  
闢戶謂之乾集解引虞翻注與說文同尚書費誓序  
云東郊不開唐石經初刻作闢匡謬正俗曰許氏說

文及張揖字詁開古開字開古闕字孔氏訓闕為開  
不得徑作開字惠棟曰說文引虞書闕四門作闕此  
經開字亦當從說文作開唐石經作闕者衛包改從  
今文也宋以來直作開字非也按今釋文本闕字猶  
開作

杜實充物塞也

**疏**按塞說文作塞實也玉篇塞滿也杜

鄭注杜之者杜塞之使不得與鄰國交通衆經音義  
引賈達國語注云杜塞也周書費誓杜乃撓東晉孔  
傳同實者禮記內則云濡豚包苦實蓼周語云以惡  
實心皆塞之義也充者孟子云充塞仁義詩衛風淇  
澳云充耳琇瑩猶史記言難統塞耳也文選聖主得  
賢臣頌云不足以塞厚望濟曰塞充也物者史記平  
準書云用充勿新秦中下文云物滿也塞  
有滿義故物亦訓為塞也物勿音義竝通  
實物滿也  
**疏**玉篇滿盈也實者詩小雅節南山云有實  
其猗毛傳實滿也淮南主術訓云實贖來

遠高誘注同物者詩大雅靈臺云於物魚躍毛傳物  
滿也說文同漢書司馬相如傳云實陂池而勿禁虐  
官觀而勿勿師古曰實  
謂人滿其中物亦滿也

獎率勵勸也疏

說文勸勉也虞書帝典云勸之以九歌  
論語云舉善而教不能則勸是其義也

獎者說文作獎云嗾犬厲之也因借為獎勵字漢書  
哀帝紀所以獎厲太子師古曰獎勸使也又何武傳  
武好進士獎稱人之善師古曰獎勸也率者虞書益  
稷云率作典事詩周頌噫嘻云率時農夫皆勸勉之  
辭勵者說文作勸云勉力也讀若厲玉篇作勵云勸  
也按勵古多作厲尚書皋陶謨庶明勵翼鄭本作厲  
云作也左氏哀十一年傳云宗子陽  
與問正明相厲也杜注相勸厲致死

勤勉事力也疏

說文力筋也治功曰力詩大雅蒸民云  
威儀是力鄭箋力猶勤也禮記坊記云

食時不力珍鄭注力猶務也孔子燕居云君子力此  
二者以南面而立漢書高帝紀云治產不如仲力服

虔曰力勤力也勤者說文勤勞也左氏傳二十五年  
 傳云求諸侯莫如勤王勉者荀子天論篇勉力不時  
 楊倞注勉力力役也公羊宣十五年傳云勉之矣何  
 休注云勉努力也事者周禮夏官司勲職云事功曰  
 勞高誘國策注事役也又云事治也荀子王霸篇楊  
 倞注事任也又性惡篇注事爲也皆與力義相成也  
 經屑省過也說廣韻過經也又過所也按釋名云傳亦  
 名云經徑也如經路無所不通也新序云西家之潦  
 經其宮而不止是經卽過也屑者說文屑動作切切  
 也廣韻屑動進貌周書多士云大淫泆有辭釋文泆  
 馬本作屑云過也又吕氏春秋觀表篇云泆過而弗  
 辭高誘注重過爲泆疑屑泆音義通又爲經過之義  
 後漢書王良傳云往來屑屑不憚煩是也省者按省  
 與告通左氏穀梁莊二十二年肆大告公羊作肆大  
 省康誥云人有小罪非眚王符潛夫論作匪省周官  
 司徒職荒政七曰眚禮先後鄭俱訓作省是省省通  
 也虞書告災肆赦史記注引鄭注云過失雖有害則

赦之左氏襄九年傳云肆眚國鄭杜注眚過也史記  
秦本紀云飾省宜義裴駰正義云省過也是省眚訓  
義同也

闕缺閒隙也

**疏**

說文省隙見之白也隙壁隙孔也禮記  
三年問云若駟之過隙鬼谷子謀篇云

牆壞于其隙是其義也闕者玉篇闕失也少也楚語  
云貨馬郵則闕于民韋昭注闕缺也缺者孟子引書  
曰咸以正無缺義與闕通史記司馬相如傳云貫列  
缺之倒景注列缺天門是缺猶闕也閒者說文閒隙  
也徐錯繫傳云門當夜閉閉而見月光  
是有閒隙也韋昭吳語注與說文同

迭遞交更也

**疏**

說文更改也玉篇更代也歷也復也迭  
者說文迭更迭也文選西都賦云更盛

迭貴李善引方言云迭代也呂延濟注迭遞也公羊  
襄二十九年傳云弟兄迭爲君何休注迭猶更也遞  
者爾雅云遞迭也說文遞更迭也齊策云今齊楚燕  
趙韓梁六國之遞甚也高誘注遞更也交者禮記坊



記引詩曰交相為瘡鄭注交猶更也儀禮士昏禮云  
勝御沃盥交晉語云戎夏交梓交梓是交勝也義竝  
同

燔剗沒滅也

**疏**說文滅盡也又云威滅也引詩曰赫赫

云興威繼絕駟氏竟銘云肱虜殄威詛楚文云伐威

我百姓是威即滅也煇者左氏襄二十六年傳云王

夷師燔杜注吳楚之閒謂火滅為燔剗者齊策云剗

爾類高諺注剗滅也揚雄劇秦美新云剗滅古文沒

者下文云滅沒也轉相訓史記伯夷列傳云神農

虞夏忽焉沒于莊子秋水篇云沒足滅跼義竝同

元黔黢黢黑也

**疏**說文黑火所熏之色也禮記檀弓云

是其義也元者說文黑而有赤色者為元詩幽風七

月六載元載黃毛傳元黑而有赤也是元之深者為

黑也黔者說文黔黎也秦謂民為黔首周謂之黎民

引易曰為黔喙謂黑色也左氏襄十七年傳云邑中

縞皓素白也

**疏**

說文白西方色也陰用事物色白釋名

之黔呂氏春秋云墨突不黔義竝同驪者檀弓云夏后氏尚黑戎事乘驪詩魯頌駟云有驪有黃毛傳純黑曰驪黝者說文黝微青黑色周官牧人職云陰事用黝牲鄭注黝黑也爾雅釋宮云地謂之黝釋器云黑謂之黝又通作幽鄭司農周禮注云黝讀為幽小雅隰桑云其葉有幽毛傳幽黑色也是黝幽古字通

云厥篚元纁縞縞東晉孔傳云縞白繒章懷順帝紀注引爾雅云縞皓也繒之精白者曰縞疑即引此及下廣服文也皓者詩唐風揚之水云白石皓皓史記留侯世家云四人從太子須髮皓白師古漢書注云所以謂之四皓曹大家幽通賦注云皓白也說文無皓字疑古皓作皓素者說文素白繒繒也禮記禮器云或素或青鄭注素尚白

彤埤縹朱也

**疏**

說文朱赤心木廣韻朱赤也易困卦困于赤紱王應麟集鄭注云朱深曰赤詩

幽風七月云我朱孔陽毛傳朱赤色王充論衡曰辟  
猶練絲染之藍則青染之朱則赤是朱即赤也形者  
說文形丹飾也詩小雅彤弓云彤弓弘兮毛傳彤弓  
朱弓也左氏定九年傳云靜女之三章取彤管焉杜  
注彤管赤管筆女史記事規誨之所執必用赤者取  
其以赤心正人也培者說文新附有辟字小爾雅舊  
職辟剛用羊辟當作培說文新附有辟字小爾雅舊  
本作悻悻皆後人所增今從說文改緼者禮記玉藻云

一命緼韍幽衡鄭  
注緼赤黃之間色

淫 淫 沈 滅 沒 也

**說文**沒沈也禮記坊記君子不以美

正義曰沒過也禮鄭注不可以其美過禮而去禮  
禮也淫者爾雅淫過也東晉古文尚書大禹謨云罔  
淫于樂孔傳用爾雅沒過義淫亦為過故淫訓為  
沒也淫者說文溢器滿也莊子人閒世云兩喜必多  
溢美之言兩怒必多溢惡之言凡溢之類也妄郭象  
訓溢為過故亦與淫同訓為沒也沈者說文沈濁黝

也詩小雅菁莪云載沈載浮國策城不沈者三版耳  
高誘注沈沒也滅者易大過卦云過涉滅頂西周策  
云前功盡滅呂氏春秋愛類篇云無有工陵沃  
衍平原高阜盡皆滅之高誘注竝云滅沒也  
載功物事也疏說文事職也釋名事倖也倖立也凡所  
詩大雅文王云上天之載毛傳載事也逸周書諡法  
解同又文選甘泉賦作緯李善注緯事也功者穀梁  
文十二年傳云功事也詩幽風七月云載纘武功毛  
傳同物者周官大司徒以鄉三物教萬民鄭注物猶  
也事也

小爾雅疏卷第一

夏魯校字



小爾雅疏卷第二

覺羅教習王煦撰集

廣言第二

**疏**

邵氏爾雅正義曰大戴禮記四代篇云發志爲言發言定名古謂之名今

謂之字說文云直言曰言釋名云言宣也宣彼此之意也古有以一句爲一言者趙簡子稱子太叔語我九言論語云一言以蔽之皆以一句爲一言也然論語卽有以一字爲一言者子貢問有一言而可以終身行之者乎子曰其恕乎以恕字爲一言也戰國策云臣請三言而已矣曰海大魚左傳疏引易說云伏羲作十言之教曰乾坤震巽坎離艮兌消息是皆以一字爲一言也按此乃綜釋言字之義也至此篇廣言則第倣爾雅釋言之例言卽是詰訓亦是言祇取表題無關義例

晏明陽也

**疏**

說文陽高明也詩幽風七月云我朱孔陽毛傳陽明也晏者說文晏天清也

雲也按晏音義並通史記封禪書中山瞻望漢郊祀志作晏溫如淳注三輔謂日出清濟為晏淮南繆稱訓暉目知晏高誘注晏無雲也五行志武帝征和四年天晏無雲師古注晏天清也古文霽從雲故無雲為陽又通作見劉向傳引詩見覲聿消師古注見無雲也韓詩作霽云見日出也明者說文明照也天地之氣春夏為陽故堯典春日暘谷夏曰明都皆陽之義也淮南墜形訓云東極之山曰開明之門高誘注明者陽也日之所出故曰開明之門

盱晏晚也

**疏**

說文晚莫也史記李斯傳君何見之晚是也盱者說文盱晚也引春秋傳曰日盱君

勞又左氏襄十四年傳云日盱不召又昭二十年傳云楚君大夫其盱食乎義並同晏又為晚者論語曰何晏也日本皇侃疏晏晚也引范甯曰冉子早朝晚退與禮少儀皆言視日蚤莫士相見禮作早晏淮南

天文訓云日至于桑野是爲晏食義並同

# 算麗數也

**註**

麗取其數各有所麗著

**疏**

說文數計也物之多少爲數易

說卦傳云參天兩地而奇數是也計物之多寡亦爲數禮記儒行遽數之不能終其物是也算數已見爾雅邵氏正義曰少牢饋食禮云爵無算鄭注算數也律歷志引逸書云先其算命算與撰選義通鄭氏易云若夫雜物算德注云算數也盤庚云世選爾勞釋文云選卽算也後漢書注引詩云威儀棣棣不可算也按說文筭字注云長六寸計歷數者又云算數也二字義異俗多混用麗者說文方言並云麗數也郭氏方言注偶物爲麗故立數也今通省作麗詩大雅文王云其麗不億毛傳麗數也**註**麗取至麗著○麗著者易離卦日月麗乎天左氏宣十二年傳射麋麗龜王弼杜預注並云麗著也取其數各有所麗著者徐岳數術紀遺曰黃帝爲法數有十等及其用也乃有三焉十等者億兆京垓秭壤谿澗正載也三等者



謂上中下也其下數者十十變之若言十萬曰億十  
億曰兆十兆曰京也中數者萬萬變之若言萬萬曰  
億萬億曰兆萬兆曰京也上數者數窮則變若言萬  
萬曰億億億曰兆兆兆曰京也甄鸞曰毛注云萬萬  
曰億此卽中數也鄭注云十萬曰億此卽下數也上  
數宏廓世不可用韋昭楚語注十萬曰億古數也今  
人乃以萬萬爲億是中數之說起  
于秦漢也此卽谷有麗著之義也

叟艾老也

**疏**說父老考也從人毛七言須髮變白也叟

趙岐注叟長老之稱猶父也按漢人稱百姓高年者  
皆曰父老故趙氏云然禮記三老五更蔡邕讀更爲  
叟叟卽老也艾者曲禮云五十曰艾釋名云艾父也  
父治也治事能斷割芟刈無所疑也方言云倭艾長  
老也東齊魯衛之間凡尊老謂之倭  
或謂之艾叟說文作倭或體作倭

僉皆同也

**疏**說文同台會也尚書洪範云是之謂大同  
是其義也會者爾雅云僉皆也檢同也按

僉疑與檢通管子山權數篇云北郭有掘闕而得龜者此檢數百里之地也房元齡注檢猶比也以此龜為用者其數可比百里之地義與同合方言云自山而東五國之交謂皆為僉皆者說文云皆俱詞也俱也音義通管子幼官篇云偕度量房元齡注偕同也呂氏春秋離謂篇云亡國之君不自以為惑故與桀紂幽厲皆也

交校報也

**註**

犯而不校

**疏**

說文報當罪人也玉篇報酬也答也酷吏傳云得可事論

報禮記表記云報者天下之禮也皆其義也交者孟子云以幣交受之而不報是交猶報也又與校通下文云校交也列子周穆王篇云僭校四時顧野王讀為翻交四時淮南時則訓虎始交高誘注交讀校餘詳下文校者左氏僖二十三年傳云有人而校罪莫大焉杜注校報也昭四年傳云伐國而克城竟莫校義同**注**犯而不校。論語泰伯篇文包咸注校報也何休公羊隱十年傳注云君子當犯而不校疏云校

謂交接之交不謂為報也是校兼交報二義也

舒布展也

**疏**

說文珽極巧視之也屢轉也玉篇云今作

云展墓而入是其義也舒勃布者左氏昭元年傳云子皙之閒凡展物謂之舒勃布者左氏昭元年傳云子皙布幣而出布幣即展幣也襄二十一年傳云敢布四體定四年傳云臣展四體是布即展也

揚翥舉也

**疏**

說文舉對舉也引之為飛舉之義論語色斯舉矣是也揚者說文易飛揚也揚飛舉

也詩小雅沔水云載飛載揚大雅大明云時維鷹揚毛傳如鷹之飛揚也翥者說文翥飛舉也方言翥舉

也楚謂之翥潘岳射雉賦云鬱軒翥以餘怒徐爰注引方言漢議郎元賓碑翥作署

索略求也

**疏**

玉篇求索也周官牛人祭祀共其求牛左氏襄元年傳云萊人路夙沙衛以索馬牛

杜注索簡擇好者按曲禮云大夫以索牛知求牛即索牛也文選羽獵賦薄索蛟螭李善引賈逵國語注

云索求也按說文按索之字作索以索為繩索字今通作索略者廣詁云索略也方言云略疆取也又曰求也於道曰略是索或訓略索略又並訓求義轉通也

奚害何也

**註**

害澣害否

**疏**

廣雅云何問也史記賈誼傳陳利兵而誰何言誰敢過而

問也奚者論語云子奚不為政孟子云奚而不知也奚即何也害者詩邶風泉水云不瑕有害鄭箋害何也周書大誥云王害不違卜義同**註**害澣害否○周南葛覃文毛傳害何也

里度居也

**疏**

玉篇居處也安也曲禮云君子將營宮室居室為後王制云地邑民居必參相得是

其義也里者廣韻云周禮五鄰為里風俗通云十軌為里里者止也五十家共居止也論語云里仁為美鄭注里者民之所居也詩小雅十月之交云悠悠我里毛傳里居也度者古度與宅通詩大雅文王有聲云宅是鎬京禮記引作度西曰柳谷薛瓚注云古文宅度曰昧谷漢書引作度西曰柳谷薛瓚注云古文宅度

同爾雅云宅居也詩大雅緜云度之薨薨毛傳度居也

周浹币也

**疏**說文币周也字林作通周也徧也以匝為俗字周者禮記檀弓云四者皆周晉語云

三周華不注之山鄭康成韋昭注並云周币也淮南原道訓云周而復币浹者按古本作挾故說文無浹字新附云浹洽也徹也今通作浹周官冢宰職云挾日而斂之鄭注從甲至甲謂之浹日釋文云挾字又作浹同于本作币云十日也詩大雅大明云使不挾四方毛傳挾達也正義曰挾者周币之義故為達荀子禮論篇云方皇周挾楊倞注挾讀為浹币也又解蔽篇云不足以浹萬物之變注浹周也韋昭越語注同

充該備也

**疏**說文荀具也備慎也玉篇荀今作備易繫辭傳云備物致用禮記禮器云禮器是故

大備是其義也充者禮記玉藻云服之褻也充美也公羊桓四年傳云三日充君之庖何休注充備也該

者穀梁哀元年傳云此該之變而道之也范甯注該  
備也通作賅莊子齊物論賅而存焉司馬彪注賅備  
也釋文引是  
文該亦作賅

列厥陳也

**疏**

說文陳列也徐鍇曰古書軍陳多如此今  
通作陳列者公羊僖二十二年傳云不鼓

不成列何休注不成列未成陳也范甯穀梁傳注列  
陳也厥者說文厥發石也又云檣建大木置石其上  
發以機以迫敵也引春秋傳曰檣動而鼓按左氏桓  
五年傳云鄭子元為魚麗之陳命二拒曰檣動而鼓  
是檣為陳中發石之名古厥檣同聲故許氏同訓為  
發石而是經亦訓厥為陳也或曰厥疑厥字之誤說  
文厥陳與服于庭也周官司裘大喪厥裘鄭注故書  
厥為淫鄭司農云淫裘陳裘也据此則厥或當作厥  
也

輶輶輿也

**疏**

說文輿車輿也從車舛聲徐鍇云車底也  
按古者通謂車為輿考工記輿人為車鄭



記中庸云弗能弗措也漢書文帝紀云幾致刑措是  
棄置之義也禮器云措則正中庸云故時措之宜也  
是亦設置之義也

駕棄陵也

**說文**玉篇陵犯也馳也說文引商書曰以相陵

義也駕者左氏昭元年傳云猶詐晉而駕焉杜注駕  
陵也棄者國語云卻子棄人不義韋昭注棄陵也漢  
書禮樂志云小人乘君子杜  
欽傳云婦乘夫師古注並同

收戢斂也

**說文**斂收也爾雅云斂收戢聚也此又互

義曰當有事之時則收斂之左氏襄四年傳云收二  
國之燼義同戢者詩小雅桑扈云不戢不難毛傳戢  
聚也駕焉云戢其左翼鄭箋戢斂也又與輯揖通虞  
書輯五瑞馬融傳作揖云斂也與爾雅訓聚之義大  
同



禁錄也

**疏**廣韻錄采錄也又錄事也禁者說文麓古文

云麓本亦作禁是禁即麓也尚書周禮敘官林衡釋文  
麓之野鄭注麓者錄也堯命舜陟位居攝致天下之  
事使大錄之又通作菜逸周書王會解云郭叔掌為  
天子菜幣焉孔晁注菜錄諸侯之幣也舊本誤作禁

改今

掌司主也

**疏**按主說文作、以主為火炷字今通作主  
玉篇主典也領也如秦官有主爵中尉將

作大匠屬官有主章是也掌者周禮六官掌邦之六  
典餘屬亦各掌其事孟子云舜使益掌火趙岐注掌  
主也司者禮記曲禮云天子之六府司土司木司火  
司水司草司器典司六職即主六職也文王世子云

樂正司業鄭  
注司主也

偏贅屬也

**疏**說文屬連也廣韻屬附也類也左氏成十  
八年傳云弁糾御戎按正屬焉荀賓為右

司士屬焉周禮六官皆言使帥其屬是其義也偏者  
左氏成三年傳云率偏師以修封疆襄三年傳云舉  
其偏不為黨杜注偏屬也贅者釋名贅屬也橫生一  
肉屬著體也按莊子言附贅是也漢書嚴助傳言贅  
子賈誼傳言贅壻亦取此義尚書大傳云太王亶父  
贅其耆老而問之孟子書作屬詩大雅桑柔云具贅  
卒荒毛傳贅屬也通作綴周書顧命綴輅在阼階面  
周禮疏引鄭注作贅詩商頌長發云為下國綴流公  
羊襄十六年傳作贅旒  
何休注贅繫屬之辭

麗著思也

**疏**

按思即恩也古罕恩之恩皆作思故說文

次若今市亭也鄭司農云候樓也考工記城隅注云  
城隅角浮思也與候樓義同又釋名云罕恩在門外  
罕復也愚思也臣將入請事復于此重思之也按王  
莽傳云莽遣使壞諸陵罕恩曰毋使民復思也此即  
成國所本也說文新附云罕恩屏也鄭氏玉藻注云  
屏謂之樹今桴思也參考諸文則浮思為樓亦為屏  
卜  
下  
可  
能  
克  
卷二  
七

也麗者莊子徐无鬼云君必無盛鶴列于麗譙之閒  
釋文云司馬郭李皆云麗譙樓觀名著者爾雅云門  
屏之閒謂之寧詩齊風毛傳云門屏之閒曰著正義  
曰寧著音義同据此則麗乃樓名著乃屏名也思既  
為樓又為屏麗亦為樓著  
亦為屏故云麗著思也

載略行也

**疏**

說文行人之步趨也引之為行事之行如  
論語用之則行是也載者尚書臯陶謨云

載采采東魯孔傳云載行也正義曰載者運行之義  
故曰行也國語云若登年以載其毒淮南說山訓云  
無為而治者載無也韋昭高誘注並同略者左氏隱  
五年傳云吾將略地焉杜注略總攝巡行之名僖元  
年傳云東略之不知又十六年傳云謀郕且東略也  
義並同顏師古漢書注云凡言略地者皆謂行而取  
之

沓襲合也

**疏**

玉篇合同也禮記樂記云合同而化楚辭  
離騷云兩美其必合兮是其義也沓者楚

辭天問云天何所沓揚雄羽獵賦云天與地沓李善引應劭云沓合也襲者周語云三襲焉韋昭注襲合也荀子不苟篇云齊秦襲楊倞注同淮南天文訓云天地之襲精為陰陽高誘注襲合精氣

抵享當也

**疏**說文當田相值也玉篇當直也敵也禮記王制云上當其中中當其下公羊云君請

當其君臣請當其臣皆其義也抵者周官泉府云賈者各從其抵言與故賈相當也史記高帝紀傷人及盜抵罪言使各當其罪也享者東晉古文尚書咸有一德云克享天心孔傳享當也漢書光武帝紀云朕曷足以享斯哉章懷注同通作饗漢書谷永傳饗用五福師古注饗當也又通作鄉五行志云敗壤其功以章不鄉師古注鄉讀曰嚮言不當天心

庚徹道也

**疏**說文道所行道也詩小雅大東云周道如砥爾雅云一達謂之道道路是其義也庚者

笙詩由庚序云由庚萬物得由其道也子夏序曰由庚廢則萬物失其道理矣王應麟曰左傳披其地以

塞夷庚正義謂平道也東哲補亡詩蕩蕩夷庚本此  
辨亡論旋皇輿于夷庚同徹者爾雅云不徹不道也  
詩小雅十月之交云天  
命不徹毛傳徹道也

修舒長也

**疏**說文長久遠也詩秦風蒹葭云道阻且長  
齊語云國家不日引不月長是其義也修

者詩小雅六月云四牡修廣毛傳修長也淮南王安  
父厲王名長諱長之字曰修亦其義也舒者說文舒  
伸也緩也王符潛夫論云化國之日舒以長通作余  
亦作除爾雅四月為余李巡注余舒也釋文云孫本  
作舒鄭氏詩小明箋云四月為除是音義通  
也日永于夏至五月而長至故四月為舒

校戰交也

**疏**玉篇交共也合也左氏傳云兵交使在其  
閒史記張耳陳餘傳云野無交兵是其義

也校者上文云交技報也此又轉相訓也戰國秦策  
云楚燕之兵雲翔不敢校高誘注不與秦交戰淮南  
兵略訓云野無校兵高誘注敵家之兵不來相交復  
也戰者說文引易曰龍戰于野戰者接也呂氏春秋

愛士篇云刃無與接

高誘注接交戰也

謁復白也

**疏**玉篇白明也告語也漢書高帝紀選趙壯士可令將者白見四人後漢鍾皓傳鍾瑾

常以李膺言白皓是其義也謁者祢雅釋詁云謁告

也釋言云謁請也說文云謁白也漢書百官公卿表

云謁者掌賓讀受事應劭注同說文復者孟子云有

復于王者曰趙岐注復白也左氏成二年傳云藉手

而復于寡

君義同

勅質正也

**疏**說文正是也玉篇正定也詩曹風鴈鳩云

皆其義也勅者按說文無勅字支部云敕誠也唐韻

耻力切力部勅勞也唐韻洛代切二字音義俱別但

漢人書敕字多作勅洪适隸釋云勅本音徠然漢碑

韓勅字叔節程勅字伯嚴詳其義皆當讀與飭同愚

謂古尺吹同音今北音猶然勅音雖讀同飭自可取

來為聲取敕為義讀秦漢書斷毋為齊梁所桎梏也

小爾雅疏

卷二

九

易噬嗑云先王以明罰勅法釋文以爲俗字引字林  
作勅是以說文所無者爲正而反以所有者爲俗俱  
矣鄭氏易注云勅猶理也一云整也張衡東京賦云  
亭侯修勅薛綜注勅整也整與正義相成也舊本作  
勅今改作勅質者儀禮士冠禮云質明行事鄭注質  
正也禮記曲禮云疑事無質少儀云母身質言語義

亦同

齋蔑末也

**說**

說文木上曰末玉篇末盡也周書召誥王

齋者方言云齋末也晉語云寡君之紹續昆裔韋注  
同方言又說文齋衣裾也班固裁文志云九家之說  
亦六經之支與流齋師古注齋衣末也衆經音義引  
是文作囊蔑者唐詁云蔑末無也此復互相訓也論  
語云末由也已史記引作蔑由也已按古蔑末音義  
並通說文云縻末也釋名云襪末也在脚末也又云  
賤末也創在兩目末也

皆音義相通之證也

延衍散也

**疏**

按散說文作敝義詳下文今通作散延者

司馬相如上林賦云延曼太原延曼猶散曼也亦通

作衍漢書武帝作漫衍之戲張衡西京賦作曼衍衍

者詩大雅板云及爾游衍毛傳衍溢也莊子齊物論

云因之以曼衍漢書律歷志云數紀于一協于十長

于百大于千衍于萬

皆與散義相成也

未歿終也

**疏**

玉篇終極也死也易巽卦云无初有終禮

記檀弓云君子曰終皆其義也末者禮記

中庸云武王末受命末猶終也尚書顧命云導揚末

命東晉孔傳訓為終命歿者說文作殤云終也或體

作歿易繫辭傳云庖犧

氏歿虞翻注歿終也

此辨別也

**疏**

說文別分解也玉篇別離也禮記曲禮別

同異是分別之義也江淹別賦云黯然銷

魂者別而已矣是離別之義也此者說文此別也引

詩曰有女此離毛詩傳云此別也即許氏所本是此

卜辭難疏

卷二

十



為離別之義也辨者按辨別音義並通周官大行人  
云每國辨異之大戴記朝事篇作每國別異之禮記  
樂記云磬以立辨史記作磬以立別易繫辭傳云困  
德之辨也集解鄭注辨別也左氏哀元年傳云蔡人  
男女以辨杜注同是

菲涼薄也

**疏**說文以薄為林薄字又云泊淺水也則厚  
薄字從泊為近玉篇以薄為厚薄字今皆

通用菲者禮記坊記云不以菲廢禮論語云菲飲食

馬融注菲薄也涼者說文涼薄也詩大雅桑柔云職

涼善背毛傳涼薄也又說文兒部云事有不善言尫

也引爾雅云尫薄也是尫與涼通按漢魏諸儒引小

爾雅者直稱爾雅世儒謂漢人不取以說經非

也部忠恕汗簡云尫見古爾雅蓋亦摺是文

復旋還也

**疏**說文還反玉藻云周還中規折還中矩皆其義

也復者說文復往來也易泰卦云無往不復漸卦云

夫征不復是復即還也旋者說文旋周旋也从於从

正正足也易履卦云其旋元吉王藻  
釋文云還本一作旋是旋即還也

祖翼送也

**疏**說文送遣也玉篇同引詩曰遣送于野儀

祖者禮記月令孟冬其祀行禮傳曰共工之子曰脩

好遠遊舟車所至足跡所達靡不窮覽故祀以為祖

神漢書劉屈釐傳云李廣利擊匈奴丞相為祖道送

至渭橋師古曰祖者送行之祭因設晏飲焉既夕禮

鄭注將行而飲酒曰祖翼者取翼行之義周書大誥

云子翼以于孟子輔之翼之皆言翼之以行如送然

也周南一發五犯翼君射一發而翼五犯正義云虞

人翼驅五犯以待公之發矢是康成亦訓翼為送也

走印我也

**疏**說文我施身自謂也走者左氏襄三十年

走使之人也故古人凡自稱多曰走戰國策齊劫謂

田巴曰走弟子年十二史記蕭望之傳云下走將歸

延陵之臯張衡東京賦云走雖不敏薛綜注走公子

自稱走使之人如今言僕矣印我見爾雅郭注印猶

走也

卷二

上

也。妖也。邵氏正義曰：大雅生民云：「印盛于豆，毛傳：「印，我也。」印猶妖者，說文云：「妖，婦人自稱我也。」風俗通義云：「南蠻相呼為妖，徒按說文：「玉篇皆以印為仰字，並無訓我之義。」因妖與印聲近，故毛詩作印，蓋假借字也。

姓命孥子也

**說**

姓禮所謂子命未詳

**疏**

陽說文子十一月

人以為稱玉篇子兒也。姓者說文：「姓，人所生也。」左氏隱八年傳云：「因生以賜姓。」昭四年傳云：「問其姓曰：子子長矣。」釋文云：「女生曰姓。」姓子也。淮南原道訓：「秦穆公謂伯樂曰：『子之年長矣。』」子姓有可使求馬者乎？高誘注：「子姓，伯樂子命者。」按古命與姓通。周語云：「不亦潰姓矣乎？」韋昭引唐固賈逵注云：「姓，命也。」命與姓通。故亦得訓為子也。孥者，說文有孥字，無孥字。玉篇：「孥，子也。」亦作孥。是孥，孥古今字也。詩小雅樂爾妻孥。毛傳：「孥，子也。」夏書甘誓：「予則孥戮汝。」東晉孔傳亦云：「孥，子也。」**註**姓禮至未詳。○禮記納女於天子曰備百姓。注：「姓之言生也。」天子皇后以下百二十人，廣子姓也。命無正訓，故曰未詳。或云：「依上下文例，當為衍文。」

諧顓和也

**疏**

說文咏相磨也。餘通作和。諧者說文諧詒也。又禮猶作餘。餘通作和。諧者說文諧詒也。又

云。鰾樂和鰾也。引虞書曰。八音克鰾。今書作諧。虞書又云。克諧以孝。東晉孔傳。諧和也。顓者說文顓呼也。引商書曰。率顓衆。成玉篇。引書云。顓和也。今按東晉孔傳。于商書盤庚訓。爲和。于周書立政訓。爲呼。則顓自兼二義也。

悛寤覺也

**疏**

說文覺寤也。詩王風兔爰云。尚寐無覺。孟子云。悛止也。廣雅云。悛更也。杜預左傳注。韋昭國語注。多訓爲改。今按左氏昭九年傳云。爲是悛而止。是悛

在止。先言覺而後止也。楚語云。庶悛而更乎。是亦悛在更。先言覺而後更也。義實相成。微有先後之別耳。寤者說文寐覺而有信。曰寤。衆經音義引倉頡篇云。覺而有言。曰寤。按說文。信當依倉頡篇作言。又詩周南關雎云。寤寐求之。毛傳。寤覺也。楚辭天問云。寤過改更。吳語云。王若不得志于齊。而以覺寤王心義並

同

憾猜恨也

**疏**

說文恨怨也按自恨謂之悔恨恨人爲之

篇云憾恨也論語云敝之而無憾左氏莊十四年傳云寡人憾焉孔安國杜預注並云憾恨也猜者說文猜恨賊也方言云猜恨也左氏僖九年傳云耦俱無猜杜注兩無猜恨

艾盡止也

**疏**

玉篇止息也住也易艮卦云時止則止左氏襄二十九年傳云觀止矣是其義也艾

者詩小雅夜何其夜未艾鄭箋艾未曰艾左氏昭元年傳云國未艾也哀二年傳云憂未艾也杜氏俱訓艾爲絕與鄭箋末同義皆言未絕止也盡者說文盡火餘也盡器中空也今通作盡莊子養生主云火傳也不知其盡也盡卽火餘之義蓋火止所餘之物爲盡故訓盡爲止也荀子正名篇云欲雖不可盡可以近盡也楊倞注適可而止也是亦以盡爲止也

攔忿也

**註**

左氏云今執事攔然

**疏**

說文忿悁也玉篇忿恨也怒也禮記大學

云心有所忿悁論語云一朝之忿是其義也攔者說文作憫云武貌引詩曰瑟兮憫兮方言云攔猛也荀

子云陋者俄且憫也楊倞注憫與攔同猛也引方言云晉魏之閒謂猛為攔又通作憫漢書文帝紀憫然

念外人之有非孟康曰憫然介然也介與忿義亦相成**註**左氏云今執事攔然○昭十八年傳文杜注攔

然勁忿貌正義引服虔云猛貌也

奸犯也

**疏**

說文犯侵也玉篇犯抵觸也左氏襄二十三年傳云毋或如臧孫紇奸國之紀犯門斬關

孟子曰君子犯義是其義也奸者說文奸犯姪也干犯也今經典多通用左氏僖七年傳云子父不奸之

為禮是奸為犯也文四年傳云其敢奸大典以自取戾昭二十年傳云臣敢貪君賜以干先王義並同

汨猾亂也

**疏**

說文亂治也又兵作于內為亂是亂有二義也汨猾之義亦然說文汨治水也東晉

卜商惟荒

卷二

三

古文汨作序傳云汨治也洪範汨陳其五行傳云汨亂也通作汨呂氏春秋本生篇云人之性壽物者汨之高誘注汨亂也是汨有二義也猾者說文猾卽滑字莊子繕性篇云滑欲于俗思釋文引崔云滑治也虞書帝典云蠻夷猾夏東晉孔傳猾亂也韋昭晉語注同是猾亦兼二義也

縮續抽也

**疏**

說文攝引也或體作抽通作紬史記太史公曰紬史記石室金縢之書漢書王莽傳

云或紬其兩脅師古曰紬與抽同又通作盪呂氏春秋十月紀云涉血盪肝高誘注盪古抽字說文作盪云引擊也縮者說文作縮云蹴引也毛詩巷伯傳云顏叔子使婦人執燭縮屋而繼之正義曰縮抽也戰國策趙王賜武安君死武安君縮劍將自誅義同續者按續疑讀字之誤說文讀誦書也籀讀書也方言云抽讀也是抽與籀同詩小雅牆有茨云不可讀也毛傳讀抽也周官巾車注云故書續爲讀杜子春云當爲續則二字固有因形近而誤涉者

暨捷及也

**疏**

說文及逮也暨者公羊隱元年傳云及者何與也會及暨皆與也及我欲之暨不得

已也捷者按捷與接通禮記內則云接以太牢鄭注接讀為捷春秋莊十二年宋萬弑其君捷公羊穀梁作接衆經音義引張揖字詁云古文捷今作接同子葉反相接也相接卽及也曲禮云堂上接武卽其義也

苞跋本也

**註**

禮燭跋易苞桑言本也

**疏**

說文木下曰本引之則凡物之

在下者皆曰本孟子云不揣其本是也苞者詩曹風下泉云浸彼苞稂商頌長發云苞有三葉毛傳並云苞本也跋者按跋與拔通秦風駟鐵云舍拔則獲毛傳拔矢末也鄭箋拔括也正義引家語云括而羽之鏃而礪之是謂矢末爲括也按毛氏以鏃爲首故以拔爲末若以矢之上下論之則鏃當爲末拔當爲本故箋復申釋之也**註**禮燭至本也○禮記曲禮云燭不見跋鄭注跋本也正義云手把處也苞桑者易否



卦九五爻辭鄭注苞植也李鼎祚集解引陸績云苞本也

肆臬極也

**疏**玉篇極至也盡也又為定極之義左氏文六年傳云陳之藝極是也肆者說文肆極

陳也左氏昭十二年傳云昔穆王欲肆其心杜注肆極也周語云藪澤肆既呂氏春秋仲春紀云毋肆掠

韋昭高誘注並同臬者說文臬射準的也司馬相如上林賦作藪師古曰藪字亦作臬魯語云貪無藪也

韋昭注藪極也

睇題視也

**疏**說文視瞻也古文作睇亦作眡睇者說文睇目小表視也南楚謂眡曰睇按易明夷

卦夷于左股鄭本作睇云旁視為睇即許氏所謂目小表視也楚辭山鬼云既含睇兮又宜笑即許氏所

謂南楚曰睇也又大戴記夏小正云來降燕乃睇義同題者詩小雅小宛云題彼脊令毛傳題視也鄭箋

題之為言視睇也按釋文題與睇並音大計切

犯肆突也

**疏**

說文突犬從穴中暫出也引之為逮突術突之義詩齊風甫田云突而弁兮左氏襄

二十五年傳云宵突陳城是其義也犯者左氏桓五年傳云先犯陳蔡

是犯猶突也肆者詩大雅皇矣云是伐是肆鄭箋肆犯突也

束縻縛也

**疏**

說文縛束也釋名云縛薄也使相薄著也束者說文束縛也徐鍇曰束薪也口象纏

淮南子荷纏束薪者曰九方堙釋名云束促也相促近也縻者漢書郊祀志云天子猶羈縻不絕按說文

縻牛轡也羈縻不絕言繫縛之如御牛馬然耳通作縻荀子正論篇藉靡舌繚楊倞注靡繫縛也與縻義

同即謂胥靡也

肆從逐也

**疏**

說文逐追也易大畜卦云良馬逐左氏莊十年傳云遂逐齊師是其義也肆者上文

云肆突也突即往逐之義故復訓為逐左氏文十二年傳云若使輕者肆焉其可肆猶逐也從者詩齊風

還云並驅從兩肩兮左氏桓五年傳云祝聃請從之皆逐之義也

放投棄也

**疏**說文棄捐也易離卦云棄如詩小雅谷風棄子如遺是其義也放者說文放逐也虞

書放驩兜于崇山漢書哀帝紀云鄭聲淫而亂樂聖

王所放師古曰放棄也投者詩小雅巷伯云投畀豺

虎毛傳投棄也文選西征賦云投命而高

節亮李善引杜預左傳注云投棄命也

莽蕪草也

**疏**按說文草作艸以草為草斗櫟實也今人皆以草為艸木字不可改矣莽者方言云

莽草也南楚曰莽孟子云在野曰草莽之臣趙岐注

莽亦草也淮南泰族訓云楚靈王餓于乾谿食莽飲

水高誘注莽草也蕪者說文蕪蕪也無豐也引商書

曰庶艸繁無徐錯曰今人書繁無作蕪無盛也然則

草盛曰蕪故因

以蕪為草也

暴映曬也

**疏**說文曬暴也漢書中山靖王傳向日曬光師古注用說文暴者說文暴晞也方言云

暴五穀之類秦晉之閒謂之曬師古宣帝紀注云暴室者取暴曬為名或云薄室者薄亦暴也今俗語亦云薄曬映者說文映明也梁元帝纂要云日在午日停在未曰映潘岳射雉賦云畏映日之儻朗是映日宜于曬物故謂映為曬也今吳越閒猶呼曬物曰映

炊晞乾也

**疏**說文皀日始出光皀皀也乾上出也戴侗曰今人用為乾燥之乾炊者說文無炊字

云听旦也明也徐鍇曰听猶煖也日炙物之貌據此則听煖古今字也左氏昭八年傳云行火所煖杜注煖炙也言火之炙物與日同也晞者本或作晞說文無晞字云晞乾也玉篇云晞同晞是晞晞亦古今字也方言云晞燥也暴也北燕海岱之閒謂暴乾為晞詩秦風蒹葭云白露未晞小雅湛露云匪陽不晞毛傳並云晞乾也

迪跡道也

**疏**釋名蹈道也是道有蹈義迪者說文迪道也尚書皋陶謨云允迪厥德東晉孔傳云

迪蹈也跡者說文作迹或體作蹟云步處也詩  
小雅沔水云念彼不蹟毛傳不蹟不循道也

衍演廣也

**疏**

廣韻廣大也闊也衍者廣器云澤之廣謂  
之衍易繫辭傳云大衍之數五十釋文蜀

才云衍廣也演者說文演長流也與衍通易繫辭釋  
文引鄭注云衍演也漢書五行志云昔殷道弛文王

演周易師古曰演廣也又通作殯淮南墜形訓云九  
州之外乃有八殯高誘注殯猶遠也又與延通釋名

演延也言蔓延而廣也李善西征賦注引小爾  
雅云演廣遠也與此文小異或所見本異也

袤從長也

**疏**

廣韻長遠也此文小異或所見本異也  
一曰南北曰袤東西曰廣張衡西都賦云

量徑輪考廣袤按地東西為緯南北為經緯為廣經  
為袤與布帛同義故凡言地之長皆曰袤從者史記

燕秦傳云從合則楚王橫成則秦帝衆經音義引韓  
詩說云南北曰縱東西曰廣又引是文云袤縱長也

從縱古  
今字

荷揭擔也

**疏**

按擔說文作儋云何也經傳或作檐或作

何云儋也齊語云負任儋何韋昭注何揭也通作賀  
方言賀儋也自關而西隴冀以往謂之賀凡以驢馬  
駐駝載物者亦謂之賀儀禮士喪禮云帶用鞵賀之  
鄭注賀加也義亦同揭者莊子胠篋篇云負匱揭篋  
擔囊釋文引三蒼云揭舉也擔也負也舊本揭或作  
場按衆經音義三引是文字竝作揭當爲形近之誤  
今据改

小爾雅疏卷第二終

商起校字

小爾雅疏

卷二

七